

pizar per non meter a pericolo il Campo, ma voleno ben star li; et quanto al mandar li 200 homeni d'arme verso Bassam, scriveno il Manfron si oferse in caxo vi anderia alemani solli, ma hora son uniti, saria periculo di mandarli; e voriano saper, in caxo inimici andasseno a la volta di Bassam è quelli lochi, quello dieno far di le artelarie e fanti e cavali sono a quelle custodie, e di questo aspetano risposta. Et ozi hanno scritto al provedador Contarini, a Bassan, Marostega, Citadela, Axolo e Campo San Piero fazino publice proclame che tutti conduchino li vini hano in Padoa o in Treviso, soto pena di esser sfondrà le bote, e questo in termeni di zorni tre. *Item*, si provedi di orzi, in Padoa è pochi, et li stratioti voleno stera 120 al dì, et in Padoa non vi è stera 5000 che che non saria per uno mexe. *Item*, pochi feni che non è bastanti per 8 dì. *Item*, voriano in Campo 300 guastadori pagati, e cassar qualche contestabile con fanti inutili i qualli atendesseno a le artelarie etc.

*Di sier Ferigo Contarini, provedador, date a la villa di Leze, a dì 22, hore 20.* Come stratioti è corsi fin su le porte di Vicenza, qualle erano serate, et ha, tutti li cavali erano e bon numero di fanti esser ussiti eri, ne ussì parte con boche 4 di artelarie, et questa matina il resto con boche 8 grosse et 12 menute è andate a trovar il Campo francese, et altre particolarità *ut in litteris*.

302 *Di Padoa, di rectori, di eri.* Mandano uno inventario di le artelarie sono de li, et mandate in Campo *ut in eo* boche numero 588. *Item*, polvere barili 5250. *Item*, malvasie bote 226 et 4 mandono a Moncelese, et farine et orzi *ut in litteris*. *Item*, scriveno di molini hanno 20 compidi, et zercha al masenar a li molini di aqua potrano masenar tra el dì e la note stera 600; voleno se li mandi piere da mola numero . . . per compir li altri molini. *Item*, hanno polvere da schiopeti *solum* barili 14.

*Di Treviso, dil provedador Mocenigo, di eri.* Zercha Domenego da Modon e lo lauda molto e voria el fosse expedito et remandà li, e scrive di Carlo Corso. *Item*, di Zanin dil Conte etc. Et ha hauto la nostra lettera con lo aviso, starà riguardoso facendo le provision debite, e se li provedi di danari e munizioni.

*Di Civald di Bellun, dil Balbi, podestà, di 20.* Come quelli inimici perchè non à lassà siali portà vituarie in Agort è venuti piacevoli, e lassa che le taje di zentilomeni nostri sieno levate. *Item*, si provedi de li, et di Francesco Rondinello è in castelo e altre particolarità etc.

*Di Gradischa, di sier Alvise Dolfin, provedador general, di 20.* Come mandò nostri fuora, et *maxime* el cavalier Cauriana zonto con 130 cavali et alcuni altri cavali lizieri et stratioti, fino soto Cremons, et fe' corer 20 cavalli propinqui a Goricia, *tamen* niun ussite fuora, et è signal hessendo si grossi voglino far qualcosa, perhò se li provedi di zente etc. *Item*, se li dagi danari dil suo servito, è mexi 4 non hauto danari et si duol assai etc.

Fo scritto in Campo, et mandato la copia di l' inventario di le munizion è in Padoa. *Item*, laudarli a non combater con inimici, ma farsi forti dove i sono. *Item*, li Vitelli haveano scripto vengino in Campo. *Item*, laudano la provisione di li vini siano portati in Padoa et in Treviso, et semo contenti togliano guastadori in Campo pagati etc. *ut in litteris*. E nota alcuni voleano risponder e spudar li castelli di le artelarie, cavalli e fanti, e tutto unir in Campo; et per esser materia di Colegio, qual havia contrarietà in questo, non fo scritto. *Item*, fo scritto a Padoa atendino con ogni diligentia a fortificar etc. *Item*, fo scritto a Treviso al provedador Mozenigo in risposta, et li fanti havemo expedito, et li mandemo 500 barili di polvere et li manderemo il resto di quello el dimanda et danari etc.

Fo promosso di mandar li zentilomeni a Padoa, chome eri nel Consejo di X fo terminato che 'l Colegio li mandasse, e fati venir alcuni qualli acetono di andar con 10 provisionati per uno et ducati 30 al mexe, sarano qui sottoscriti, et *etiam* quelli che recusono di andar acciò il tutto intender si possi; sier Zuan Antonio Barbaro fo proveditor a Piove di Sacho *quondam* sier Josafat acetò, sier Francesco Arimondo fo capitano al trafego *quondam* sier Nicolò acetò, sier Andrea Bondimier fo capitano in Alexandria de sier Zanoto acetò, sier Alvise Pizamano fo capitano in Barbaria *quondam* sier Francesco acetò, sier Zacaria Loredan fo capitano di le galie bastarde *quondam* sier Luca refudò, sier Almorò Pixani fo vice capitano al golfo *quondam* sier Hieronimo refudò, sier Giacomo Marzello fo capitano a Baruto *quondam* sier Zuane refudò, et altri che fo mandati di questa charata non volseno venir.

Vene uno di Ravena, parti è do zorni, avisa le zente ispane qual erano alozate verso Lugo e Bagnacavallo, et quelli di diti lochi erano scampati; a Ravena andavano temporizando e fevano pochi mia al zorno *videlicet* 5 mia, hora fano 12, et erano andate verso il ferarese over Bologna, e si dicea sariano col papa in favor di veniziani, et che li formenti li a Ravena tien questo anno non sarà bon raccolto, mostra